



pravonalijek.ba

SEMINAR

Pacijenti kao najvažniji sudionici u procesu kreiranja listi lijekova

Hotel Jelena, Jovana Dučića 25, Banja Luka
Srijeda 24. 03. 2021. 09:30 - 15:30

Jačanje integriteta u procesu kreiranja listi lijekova u Bosni i Hercegovini

Seminar "Pacijenti kao najvažniji sudionici u procesu kreiranja listi lijekova" u Banja Luci je prvi od nekoliko događaja koji će biti organizirani za udruženja pacijenata sa sjedištem u Republici Srpskoj. Za udruženja pacijenata u Federaciji BiH seminar je organiziran u Sarajevu, a bit će organiziran i za udruženja pacijenata u Brčko distriktu.

Seminari su dio aktivnosti koje se provode u okviru projekta "Jačanje integriteta u procesu kreiranja listi lijekova u BiH", sa ciljem poboljšanja transparentnosti i jačanja integriteta u procesima koji se tiču dostupnosti lijekova finansiranih iz javnih fondova.

Krajnji cilj projekta je da pacijenti u BiH imaju na raspolaganju lijekove koji im pružaju najbolje moguće zdravstvene ishode u odnosu na dostupna javna sredstva, bez favoriziranja jednog lijeka ili proizvođača lijekova.

Potreba za seminarom

Unapređenje procesa kreiranja listi lijekova je u interesu svih građana BiH, a posebno pacijenata koji su oboljeli od bolesti koje zahtijevaju dugoročnu ili trajnu terapiju. Izbor sigurnih i djelotvornih lijekova predstavlja životno pitanje od kojeg zavisi dužina i kvalitet života oboljelog pojedinca.

S jedne strane, važeća regulativa i praksa u procesu kreiranja listi lijekova ne omogućava dovoljnu transparentnost niti sistemski integrisan mehanizam putem kojeg bi pacijenti kroz svoja udruženja pratili ispravnost ovih procesa. Nedostatak mehanizma zaštite integriteta procesa ostavlja velika diskreciona prava pojedincima unutar nadležnih institucija.

S druge strane, udruženja pacijenata su primorana da pojedinačno, sa manje ili više uspjeha, vrše pritisak na donosiocima odluka kako bi potreban lijek ili medicinsko sredstvo bilo finansirano iz javnih fondova. Jedino postavljanje pacijenata kao najvažnijih sudionika u procesu kreiranja listi lijekova može dovesti do neophodnih sistemskih promjena kako bi ovaj proces bio u potpunosti transparentan, kredibilan i inkluzivan.

Dostizanje viših standarda u procesu kreiranja listi lijekova može se ostvariti samo uz aktivno učešće i koordinisanu akciju udruženja pacijenata.

Kratak opis seminara

Cilj seminara je da istraži mogućnosti jačanja i povezivanja udruženja pacijenata kako bi se u proces kreiranja listi lijekova ugradio mehanizam zaštite integriteta.

Učesnici će imati priliku da kroz praktičan rad s ekspertima:

- Unaprijede svoja znanja vezana za jačanje integriteta u procesu kreiranja listi lijekova (transparentnost, sukob interesa, etika),
- Steknu uvid u modele svjetske prakse uključivanja udruženja pacijenata u procese donošenja odluka vezanih za kreiranje listi lijekova,
- U procesu kreiranja listi lijekova identifikuju zajedničke probleme i pravce djelovanja na konstruktivan način.

Nakon seminara učesnicima će biti pružena podrška pri formiranju radne grupe za okupljanje udruženja pacijenata u platformu (koordinirajuće tijelo, mrežu ili koaliciju) putem koje će moći zajednički djelovati s ciljem aktivnog učešća pacijenata i unapređenja regulatornog okvira koji će osigurati transparentnost, kredibilitet i inkluzivnost u procesima kreiranja listi lijekova u Bosni i Hercegovini.

INFORMACIJE

24.03.2021.

Banja Luka, Hotel Jelena



AGENDA

Prijava

Prijava je omogućena udruženjima pacijenata koja su:

- Registrovana u Bosni i Hercegovini,
- Zainterosovana za unapređenje transparentnosti i integriteta u procesu kreiranja listi lijekova u BiH,
- Otvorena za rad i saradnju sa drugim udruženjima pacijenata.

S obzirom da je broj učesnika ograničen, na prijavni obrazac moguće je maksimalno predložiti jednog učesnika iz udruženja pacijenata. Prijave će se prihvatati po redoslijedu pristizanja.

Zainterosovana udruženja pacijenata mole se da popune prijavni obrazac i pošalju na email:

visnja.martilovic@netconsulting.ba

Krajnji rok za prijavu: 19. mart 2021.

Sve dodatne informacije vezane za seminar možete dobiti putem visnja.martilovic@netconsulting.ba ili na **033/842-936**

Smještaj i prevoz

Učesnicima koji dolaze izvan Banja Luke refundirat će se prevoz u visini cijene koštanja autobuske karte. Također, obezbjeđeno je noćenje sa doručkom za osobe koje dolaze iz udaljenijih područja.

Refundacija troškova za prevoz vršit će se nakon dostavljanja i predaje kopije računa za korišteni prevoz.

Epidemiološke mjere

Svi učesnici seminara dužni su poštovati važeće higijensko – epidemiološke mjere.

Podrška i implementacija

Projekat «Jačanje integriteta u procesu kreiranja listi lijekova u BiH» implementira Net Consulting d.o.o. kompanija specijalizovana u oblasti poslovne etike i usklađenosti postupanja te zagovaranja najviših standarda integriteta u javnom i privatnom sektoru uz partnerstvo i podršku Švicarske vlade, kompanije Roche d.o.o. - Roche Ltd. i Udruženja inovativnih proizvođača lijekova u BiH.

Vrijeme	Tema/Methodologija
09.15 - 09.30	Registracija učesnika
09.30 – 11.00	Integritet u procesu kreiranja listi lijekova, najbolje svjetske prakse, prezentacija i diskusija
11:00- 11:30	Pauza za kafu
11:30- 13:00	Definisanje zajedničkih interesa udruženja pacijenata u procesu kreiranja listi lijekova, rad u grupama
13:00 – 14: 00	Ručak
14: 00- 15:30	Formiranje radne grupe za pripremu zajedničke platforme putem koje se može osigurati učešće pacijenata u proces kreiranja listi lijekova u BiH, zaključci



+ 387 33 842 936



info@pravonalijek.ba



www.pravonalijek.ba